

სახელმწიფო შესყიდვების შესახებ ხელშეკრულების ფორმა და პირობები (პროექტი)
წინამდებარე დოკუმენტი წარმოადგენს სახელმწიფო შესყიდვების შესახებ
ხელშეკრულების პროექტს, რომელიც დაიდება ტენდერში გამარჯვებულ
პრეტენდენტთან.

წინამდებარე ხელშეკრულების პროექტის პირობები დაზუსტდება გამარჯვებული
პრეტენდენტის სატენდერო წინადადების შესაბამისად (სატენდერო დოკუმენტაციის
ტექნიკური პირობებით განსაზღვრულ მოთხოვნათა ფარგლებში)

ხელშეკრულება სახელმწიფო შესყიდვის შესახებ N

ქ.თბილისი,

„----“ ----- 2022 წელი

შემსყიდველი: აფხაზეთის ავტონომიური რესპუბლიკის ჯანმრთელობისა და
სოციალური დაცვის სამინისტრო, წარმოდგენილი ----- სახით.

ელ. ფოსტა: contactus@mhsa.gov.ge

მისამართი: ქ. თბილისი, ვაჟა-ფშაველას გამზირი N16

საიდენტიფიკაციო კოდი: N249250466

საბანკო რეკვიზიტები: 300919921.

სახელმწიფო ხაზინა,

აფხაზეთის ავტონომიური რესპუბლიკის ჯანმრთელობისა და სოციალური დაცვის
სამინისტრო.

მიმწოდებელი: ----- (დასახელება, მისამართი)

წარმოდგენილი: ----- სახით

საიდენტიფიკაციო კოდი -----

საბანკო რეკვიზიტები:

ელ. ფოსტა: -----

იმის გათვალისწინებით, რომ „შემსყიდველმა“ „აფხაზეთიდან დევნილთა და
ოკუპირებული აფხაზეთის ტერიტორიაზე მუდმივად მცხოვრებ პირთა ჰოსპიტალური
დახმარების პროგრამის“ მენჯ-ბარძაყის სახსრის ენდოპროთეზირების ქვეპროგრამის
მომსახურების სახელმწიფო შესყიდვაზე [NAT ----- (შესყიდვის ობიექტის მოკლე
აღწერა, კლასიფიკატორის კატეგორიის, ქვეკატეგორიის, კლასის, ჯგუფის ან დანაყოფის
კოდი)], რომელშიც გამარჯვებულად მიჩნეულ იქნა „მიმწოდებლის“ სატენდერო
წინადადება, მხარეები შევთანხმდით შემდეგზე: მიჩნეულ იქნა „მიმწოდებლის“
სატენდერო წინადადება, მხარეები შევთანხმდით შემდეგზე:

1. ტერმინთა განმარტებები

„ხელშეკრულებაში“ გამოყენებულ ტერმინებს აქვს შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – „შემსყიდველსა“ და „მიმწოდებელს“ შორის დადებული „ხელშეკრულება“, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში მინიშნებებია;

1.2. „ხელშეკრულების ღირებულება“ - თანხა, რომლის გადახდის ვალდებულება ეკისრება „შემსყიდველს“ „მიმწოდებლის“ მიერ „ხელშეკრულებით“ ნაკისრი ვალდებულებ(ებ)ის სრული და ზედმიწევნით შესრულებისთვის;

1.3. „დღე,“ „კვირა,“ „თვე“ - სამუშაო დღე, კვირა, თვე;

1.4. „შემსყიდველი“ - ორგანიზაცია, რომელიც ახორციელებს შესყიდვას;

1.5. „მიმწოდებელი“ - პირი, რომელიც ახორციელებს „მომსახურების“ მიწოდებას „ხელშეკრულების“ პირობების შესაბამისად;

1.6. „მხარეები“ – „შემსყიდველი“, რომელიც ახორციელებს შესყიდვას და „მიმწოდებელი“, რომელიც ახორციელებს „მომსახურების“ მიწოდებას, „ხელშეკრულების“ პირობების გათვალისწინებით;

1.7. „მომსახურება“ – „ხელშეკრულების“ მე-2 მუხლით გათვალისწინებული შესყიდვის ობიექტი;

1.8. „ტექნიკური დოკუმენტაცია“ – „მიმწოდებლის“ მიერ წარმოდგენილი ტექნიკური დოკუმენტაცია და ფასების ცხრილი, რომელიც შეესაბამება სატენდერო დოკუმენტაციით გათვალისწინებულ მოთხოვნებს, წარმოადგენს „ხელშეკრულების“ განუყოფელ ნაწილს და რომლის ნამდვილობაზეც პასუხს აგებს „მიმწოდებელი“ საქართველოს მოქმედი კანონმდებლობის შესაბამისად;

1.9. „ინსპექტირება“ – „ხელშეკრულების“ პირობების შესრულების კონტროლი და ზედამხედველობა.

2. ხელშეკრულების საგანი

„აფხაზეთიდან დევნილთა და ოკუპირებული აფხაზეთის ტერიტორიაზე მუდმივად მცხოვრებ პირთა ჰოსპიტალური დახმარების პროგრამის“ მენჯ-ბარძაყის სახსრის ენდოპროთეზირების ქვეპროგრამის მომსახურების სახელმწიფო შესყიდვა ელექტრონული ტენდერის (NAT-----; CPV -----) საშუალებით.

3. ხელშეკრულების ღირებულება

3.1. „ხელშეკრულების“ ღირებულება, თანდართული ხარჯთაღრიცხვის შესაბამისად შეადგენს ----- ლარს. ხარჯთაღრიცხვა წარმოადგენს ხელშეკრულების განუყოფელ ნაწილს (დანართი #1).

3.2. „ხელშეკრულების“ ღირებულება მოიცავს „მიმწოდებლის“ მიერ „ხელშეკრულებით“ ნაკისრი ვალდებულებების შესრულებასთან დაკავშირებულ

„მიმწოდებლის“ ყველა ხარჯსა და საქართველოს კანონმდებლობით გათვალისწინებულ გადასახადებს.

3.3. შესყიდვის ობიექტის/მომსახურების ერთეულის ფასი განისაზღვრება ხარჯთაღრიცხვის შესაბამისად.

4. მომსახურების მიწოდების პირობები:

მიწოდების ვადა:

4.1. მომსახურების მიწოდების ვადაა მხარეებს შორის ხელშეკრულების გაფორმებიდან 2022 წლის 25 დეკემბრამდე.

„მიმწოდებელმა“ უნდა უზრუნველყოს:

ა) მენჯ-ბარძაყის სახსრის ენდოპროთეზირების 25 ეპიზოდის მომსახურება (პაციენტის კონსულტირება და ოპერაციული მკურნალობა).

ბ) შემოთავაზებულ საქონელს (ენდოპროთეზს) უნდა EC (CE) და ISO სერტიფიკატ(ებ)ი. სერტიფიკატები წარმოდენილ უნდა იყოს კანონმდებლობით დადგენილი წესით შესრულებული ქართული თარგმანით.

გ) „მომსახურების“ მიწოდება ეტაპობრივად, „შემსყიდველის“ წერილობითი (მ.შ., ელექტრონული) მოთხოვნის შესაბამისად.

მომსახურების მიწოდების ადგილი:

4.2. მომსახურების მიწოდების ადგილად განსაზღვრულია ქალაქი თბილისი (მისამართი).

4.2.1. მომსახურების გაწევის ადგილის ცვლილების შემთხვევაში, „მიმწოდებელი“ წინასწარ (ერთი კვირით ადრე) აცნობებს „შემსყიდველს“ ახალ მისამართს, რაზეც გაფორმდება შესაბამისი წერილობითი შეთანხმება.

5. მომსახურების მიღება-ჩაბარების წესი

5.1. მომსახურების მიღება-ჩაბარება განხორციელდება შემსყიდველისა და მიმწოდებელის უფლებამოსილი წარმომადგენლების მიერ მიღება-ჩაბარების აქტ(ებ)ის გაფორმებით (ხელშეკრულების დანართი N2-ით განსაზღვრული ფორმის შესაბამისად).

5.2. „შემსყიდველის“ მხრიდან მიღება-ჩაბარების აქტ(ებ)ის გაფორმებაზე უფლებამოსილ პირს წარმოადგენს სამინისტროს მიერ განსაზღვრული პროგრამის კოორდინატორი/თანაკოორდინატორი.

6. ანგარიშსწორება

6.1. მომსახურების ღირებულება ანაზღაურდება უნაღდო ანგარიშსწორებით, ეროვნულ ვალუტაში.

6.2. ანგარიშსწორება „შემსყიდველის“ მიერ მოხდება მომსახურების მიწოდების თაობაზე მხარეთა შორის შესაბამისი მიღება-ჩაბარების აქტ(ებ)ის გაფორმებიდან და

„მიმწოდებლის“ მიერ საქართველოს კანონმდებლობით გათვალისწინებული შესაბამისი საგადახდო დოკუმენტაციის წარდგენიდან არაუგვიანეს 10 (ათი) სამუშაო დღის განმავლობაში.

6.3. მიღება-ჩაბარების აქტ(ებ)ის გაფორმებასთან ერთად, „მიმწოდებელი“ ვალდებულია „შემსყიდველის“ მოთხოვნის შემთხვევაში, წარუდგინოს „შემსყიდველს“ საქართველოს კანონმდებლობით გათვალისწინებული შესაბამისი დამატებითი დოკუმენტაცია (მათ შორის, გამოყენებული ენდოპროთეზის შესახებ), წინააღმდეგ შემთხვევაში, „შემსყიდველს“ უფლება აქვს უარი თქვას ანგარიშსწორებაზე.

7. მხარეთა ვალდებულებები და უფლებები

7.1. „მიმწოდებელი“ ვალდებულია:

7.1.1. დროულად უზრუნველყოს მომსახურების მიწოდება „შემსყიდველის“ მიერ განსაზღვრული ბენეფიციარებისთვის;

7.1.2. მის მიერ შემოთავაზებული სამედიცინო მომსახურება უნდა იყოს ხარისხიანი და უსაფრთხო.

7.1.3. შესრულებული მომსახურების შესახებ დოკუმენტაცია წარადგინოს ყოველი თვის 25 რიცხვამდე, ხოლო დეკემბერში - 27 რიცხვამდე.

დოკუმენტაციას თან უნდა ერთვოდეს გამოყენებული ენდოპროთეზის სტიკერი / სტიკერები.

7.1.4. დროულად განიხილოს და გადაჭრას „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან. დაუყოვნებლივ, საკუთარი ხარჯით უზრუნველყოს „შემსყიდველის“ მიერ გამოვლენილი დეფექტებისა და ნაკლოვანებების (ასეთის არსებობის შემთხვევაში) აღმოფხვრა.

7.1.5. „ხელშეკრულების“ გაფორმების შემდეგ „მიმწოდებელს“ არ აქვს უფლება „ხელშეკრულებით“ ნაკისრი ვალდებულებების შესრულება განახორციელოს ქვეკონტრაქტორის მეშვეობით „შემსყიდველის“ წინასწარი წერილობითი თანხმობის გარეშე. არცერთი სუბკონტრაქტორი არ ათავისუფლებს „მიმწოდებელს“ ხელშეკრულებით ნაკისრი ვალდებულებებისგან. ამ ხელშეკრულების ფარგლებში სუბკონტრაქტორთან დადებული ხელშეკრულებების ასლები უნდა წარედგინოს „შემსყიდველს“ მისი გაფორმებიდან 5 სამუშაო დღის ვადაში.

7.1.6. მკაცრად დაიცვას წინამდებარე ხელშეკრულების პირობები.

7.2. „შემსყიდველი“ ვალდებულია:

მოახდინოს ანგარიშსწორება „მიმწოდებელთან“ ხელშეკრულების პირობების შესაბამისად;

7.3. მხარეთა უფლებები

7.3.1. „მიმწოდებელს“ უფლება აქვს, „ხელშეკრულების“ ფარგლებში მოითხოვოს დროული და სრული დაფინანსება.

7.3.2. „შემსყიდველს“ უფლება აქვს,

ა) მოსთხოვოს „მიმწოდებელს“ დამატებითი ინფორმაცია და დოკუმენტები, რაც უკავშირდება „მიმწოდებლის“ მიერ მომსახურების გაწევას.

ბ) ცალმხრივად შეწყვიტოს ხელშეკრულების მოქმედება იმ შემთხვევაში, თუ „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად ითვლება აღნიშნულის შესახებ მიმწოდებლისადმი გაგზავნილ წერილობით შეტყობინებაში მითითებული ვადიდან.

8. ხელშეკრულების ინსპექტირება

„შემსყიდველი“ უფლებამოსილია განახორციელოს „მიმწოდებლის“ მიერ „ხელშეკრულების“ შესრულების კონტროლი პროგრამის კოორდინატორის / თანაკოორდინატორის მეშვეობით.

კონტროლის განხორციელებასთან დაკავშირებული ყველა საჭირო საბუთის წარდგენა და საორგანიზაციო საკითხების გადაწყვეტა ეკისრება „მიმწოდებელს“.

9. ფორს-მაჟორი

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და რასაც გააჩნია წინასწარ გაუთვალისწინებელი ხასიათი (ომი, სტიქიური მოვლენები, ეპიდემია, კარანტინი, საბიუჯეტო ასიგნების მკვეთრი შემცირება და სხვა).

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები,

რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს “შემსყიდველი” არ არის ვალდებული წარუდგინოს “მიმწოდებელს” რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10% -ზე მეტი ოდენობით.

10.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) კალენდარული დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. შეთანხმებული გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

12. ხელშეკრულების პირობების შეუსრულებლობა

12.1. ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან/ და შესრულების ვადების გადაცდენის შემთხვევაში „მხარეებს“ ეკისრება „პირგასამტეხლო“ შეუსრულებელი ვალდებულების 0.02%-ის ოდენობით, ყოველ ვადაგადაცილებულ დღეზე გაანგარიშებით.

12.2. „პირგასამტეხლოს“ გადახდა უნდა განხორციელდეს „მხარის“ მიერ მეორე „მხარისადმი“ გაგზავნილ შესაბამის წერილში მითითებული ვადიდან არაუგვიანეს 15 (თხუთმეტი) კალენდარული დღის განმავლობაში.

12.3. საჯარიმო სანქციების გადახდა „მხარეებს“ არ ათავისუფლებს ძირითადი ვალდებულებების შესრულებისაგან.

12.4. იმ შემთხვევაში თუ „მიმწოდებელზე“ დაკისრებული პირგასამტეხლოს ჯამური თანხა გადააჭარბებს „ხელშეკრულების“ ღირებულების 10%-ს, „შემსყიდველი“ უფლებამოსილია შეწყვიტოს „ხელშეკრულება“ და მოსთხოვოს „მიმწოდებელს“ შესაბამისი პირგასამტეხლოს გადახდა.

13. სადაო საკითხების გადაწყვეტა

13.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

13.2. თუ ასეთი მოლაპარაკების დაწყებიდან 10 (ათი) სამუშაო დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

14. ხელშეკრულების შეწყვეტა

14.1. ხელშეკრულება წყდება ხელშეკრულების ვადის გასვლით, ხელშეკრულების პირობების შესრულებით, ხელშეკრულების პირობების შეუსრულებლობით, მხარეთა წერილობითი შეთანხმების საფუძველზე ან საქართველოს კანონმდებლობით დადგენილ სხვა შემთხვევებში.

14.2. ხელშეკრულება შეიძლება ცალმხრივად შეწყდეს ამ ხელშეკრულებით გათვალისწინებულ ცალკეულ შემთხვევებში.

14.3. „ხელშეკრულების“ ცალკეული პირობების მოქმედების შეწყვეტა არ ათავისუფლებს „მიმწოდებელს“ ხელშეკრულებით განსაზღვრული ვალდებულებების შესრულებისაგან.

15. ხელშეკრულების შესრულება

„ხელშეკრულება“ შესრულებულად ჩაითვლება „შემსყიდველის“ მიერ „ხელშეკრულებით“ გათვალისწინებული პირობების შესრულების შემდეგ.

16. ხელშეკრულების მოქმედების ვადა

16.1. წინამდებარე „ხელშეკრულება“ ძალაში შედის მხარეთა მიერ ხელმოწერისთანავე.

16.2. „ხელშეკრულების“ მოქმედების ვადა განისაზღვრება 2023 წლის 31 იანვრის ჩათვლით.

16.3. ორმხრივი შეთანხმების საფუძველზე, ხელშეკრულების მოქმედების ვადა შეიძლება შეიცვალოს.

17. სხვა პირობები, დასკვნითი დებულებები

17.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

17.2. ხელშეკრულების მხარეები ვალდებულნი არიან გაუფრთხილდნენ ერთმანეთის სახელს, საქმიან რეპუტაციას და ღირსებას.

17.3. მხარეები ვალდებულნი არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

17.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

17.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

17.6. ხელშეკრულება შედგენილია 2 ეგზემპლარად, რომლებიც ინახება მხარეებთან და თითოეულ მათგანს გააჩნია თანაბარი იურიდიული ძალა. ხელშეკრულების ერთი ეგზემპლარი ინახება „მიმწოდებელთან“, ერთი - „შემსყიდველთან“.

18. მხარეთა რეკვიზიტები:

„შემსყიდველი“

აფხაზეთის ავტონომიური რესპუბლიკის
ჯანმრთელობისა და სოციალური
დაცვის სამინისტრო
თბილისი, ვაჟა-ფშაველას გამზირი №16.
საიდენტიფიკაციო კოდი №249250466

„მიმწოდებელი“

ხელშეკრულების დანართი 1

ხარჯთაღრიცხვა

#	დასახელება	ეპიზოდი	ერთეულის ფასი (ლარი)	საერთო თანხა (ლარი)
1	მენჯ-ბარძაყის სახსრის ენდოპროთეზირება	25		
	ს უ ლ			

მომსახურების
მიღება-ჩაბარების აქტი

ქ. თბილისი,

„-----“ ----- 2022წ.

წინამდებარე აქტი შედგენილია მასზედ, რომ, 2022 წლის ----- N ____
ხელშეკრულების საფუძველზე, „მიმწოდებელმა“ განახორციელა
----- ლარის მომსახურების მიწოდება.

(თანხა ციფრებით და სიტყვიერად)

წინამდებარე აქტი შედგენილია 2 თანაბარი ძალის მქონე ეგზემპლარად.

დანართი: შესრულებული სამუშაოს ამსახველი დოკუმენტაცია ... ფურცელზე.

აქტის სისწორეს ვადასტურებთ ხელმოწერით:

შემსყიდველი

მიმწოდებელი

აფხაზეთის ავტონომიური რესპუბლიკის

ჯანმრთელობისა და სოციალური დაცვის

სამინისტროს პროგრამის

კოორდინატორი/თანაკოორდინატორი

-----ბ.ა.

-----ბ.ა.